

**Broj: 01-04-13-00411/2023**  
**Sarajevo, 18.01.2023.godine**

**BOSNA I HERCEGOVINA**  
**FEDERACIJA BOSNE I HERCEGOVINE**  
**PREDSTAVNIČKI DOM PARLAMENTA FEDERACIJE BiH**  
**n/p- tajnik Ivan Miličević**

**n/p- zastupnica Suada Halilović**

**BOSNA I HERCEGOVINA**  
**FEDERACIJA BOSNE I HERCEGOVINE**  
**VLADA FEDERACIJE BiH**  
**n/p - generalna sekretarka Vlade FBiH- mr.sci. Edita Kalajdžić**

**PREDMET: Odgovor na zahtjev za hitan inspekcijski nadzor nad JP "Deponija" d.o.o. Mostar (deponija Uborak), dostavlja se**

Poštovane/i,

Uvažena zastupnica Predstavničkog doma Parlamenta Federacije BiH, Suada Halilović, obratila se mailom na službenu web.adresu Federalne uprave za inspekcijske poslove dana 16.12.2022.godine, sa zahtjevom da se obavi hitan inspekcijski nadzor nad deponijom Uborak. U svom mailu, zastupnica je kratko obrazložila da građani Mostara svjedoče ponovnom pokušaju obmanjivanja od strane nadležnih institucija i pravljenju nove deponije pored već nelegalne postojeće deponije. Iz tog razloga, obratila se Federalnoj upravi sa zahtjevom da nadležna federalna inspekcija obavi hitan nadzor i poduzme odgovarajuće mjere.

U pripremi odgovora vezano za ovaj zahtjev, učešće je uzeo Federalni urbanističko-ekološki inspektorat.

Federalni inspektor zaštite okoliša je postupajući po ovom zahtjevu i službenoj dužnosti (koji nadzor je svakako planiran po službenoj dužnosti i bez konkretnog zahtjeva) dana 16.01.2023.godine izvršio inspekcijski nadzor na lokaciji regionalne deponije krutog komunalnog otpada u Mostaru (dalje u tekstu: RCUO Mostar), te o tome sačinio zapisnik.

Inspekcijskim nadzorom je utvrđeno da operater deponije – pravno lice JP „DEPONIJA“ d.o.o. Mostar vrši aktivnosti prijema i odlaganja otpada na kasetu 1. deponije bez pribavljene okolišne dozvole, obzirom da je Kantonalni sud u Sarajevu presudom broj: 09 0 U 0040474

22 U od 09.12.2022. godine **poništio ranije važeću okolišnu dozvolu** za RCUO Mostar broj: UP I 05/2-23-11-201/19 SM od 08.12.2021.godine, te predmet vratio Federalnom ministarstvu okoliša i turizma na ponovni postupak.

Kad su u pitanju „neugodni mirisi“ koji se navode u predstavci, u momentu inspeksijskog nadzora postupajući inspektor nije osjetio intenzivnije neugodne mirise mimo onim uobičajenih na predmetnoj lokaciji RCUO Mostar. Neugodni mirisi su konstatovani na lokaciji tzv. Majdan gdje se trenutno deponira miješani komunalni otpad, a na lokalitetu koji nije u sastavu RCUO Mostar, pa samim time nije u nadležnosti Federalnog urbanističko-ekološkog inspektorata za postupanje po predstavci.

Kad je u pitanju deponiranje otpada na toj „novoj“ lokaciji – lokacija tzv. Majdan, postupajući inspektor će predmet proslijediti Gradu Mostaru, na nadležno postupanje.

Obzirom da je inspeksijski nadzor izvršen dana 16.01.2023. godine, postupajući federalni inspektor zaštite okoliša još nije naložio mjere za otklanjanja nedostataka operateru RCUO Mostar – JP „DEPONIJA“ d.o.o. Mostar, a planirano je nalaganje mjere **zabrane daljeg odlaganja otpada na regionalnu deponiju RCUO Mostar do pribavljanja okolišne dozvole od FMOIT-a**, o čemu ćemo vas naknadno obavijestiti.

S poštovanjem,


Dostavljeno:

1 x tajnik Ivan Miličević

1 x zastupnica Suada Halilović

1 x generalna sekretarka Vlade FBiH- mr.sci. Edita Kalajdžić

1x a/a 19-01-2023



20